

Bosna i Hercegovina
Federacija Bosne i Hercegovine
Kanton Sarajevo
Općina Ilijaš
OPĆINSKI NAČELNIK



Bosnia and Herzegovina
Federation of Bosnia and Herzegovina
Sarajevo Canton
Municipality Ilijas
MUNICIPALITY MAJOR

Služba za prostorno uređenje i stambeno-komunalne poslove

OPĆINSKO VIJEĆE ILIJAŠ

**Odgovori na vijećnička pitanja i inicijative sa 5. sjednice Općinskog vijeća Ilijaš
održane dana 31.1.2017.godine**

Ilijaš: Februar 2017.godine

SEMIR DIZDAREVIĆ – vijećnik DF-a

Inicijativa: "Pokrećem inicijativu da se izvrši uklanjanje tzv. usporivača brzine kod OŠ "Stari Ilijaš" i postave ležeći policajci cijelom širinom ceste od trotoara do trotoara. Obrazloženje: Postoje dva razloga za pokretanje ove inicijative. Prvi razlog je nepotpuna učinkovitost postojećih usporivača brzine, jer svi smo svjedoci čestog izbjegavanja istih prelaskom u drugu saobraćajnu traku iz razloga jer isti nisu postavljeni cijelom širinom ceste. Vozači, zaobilazeći ih ne usporavaju i ugrožavaju bezbjednost djece. Ne moram napominjati da smo zbog ovog nedavno imali nezgodu gdje je vozilo udarilo dvije učenice ove škole. Drugi razlog je oštećenje vozila vozača koji poštuju postavljene usporivače. Svako ko je barem jednom prešao preko ovih usporivača osjetio je jake udare vozila bez obzira kojom je brzinom prešao preko istih. Dakle, oštećuju se dijelovi ovjesa vozila (amortizeri, kugle, krajnice i sl.). Obični ležeći policajci su po meni puno bolje rješenje kako zbog pješaka, tako i zbog vlasnika vozila".

Odgovor: Inicijativa je dostavljena Direkciji za puteve Kantona Sarajevo.

MIRSAD OSMANOVIĆ – vijećnik SDP-a

Pitanje: "U zapisniku sa prošle sjednice nije evidentirano moje pitanje: Ko je izvođač radova na putnom pravcu Gaz-Bjelike (MZ Kamenica) i jesu li mu isplaćena sredstva za posao koji nije uradio"?

Odgovor: Izvođač radova na putnom pravcu Gaz-Bjelike u MZ Kamenica bila je firma "Halilović" d.o.o. Ilijaš. Radovi nisu završeni po predmjeru iz razloga neriješenih imovinsko pravnih odnosa, a naplaćen je iznos prema stvarno izvedenim radovima.

Pitanje: "Dokle su stigli radovi na putnim pravcima: Šehovići-Borje, Odžak-Nanići-Dautovići? Ko je izvođač radova? Koji je bio rok izvođenja radova"?

Odgovor: Pitanje je proslijeđeno JP "Sarajevo-šume" Sarajevo.

Pitanje: "Ima li i jedan novoizgrađeni putni pravac koji je u tenderu imao zahtjev da debljina asfalta treba biti ispod 5 cm"?

Odgovor: Predmjerom radova, u dosadašnjem periodu, nije predviđena debljina asfalta ispod 6 cm, izuzev pješačkih staza.

ARMIN MATORUGA – vijećnik SDA

Inicijativa 1: "Pokrećem inicijativu prema nadležnoj općinskoj Službi i javnom preduzeću JKP "Rad" s ciljem uklanjanja i obilježavanja dvije divlje deponije u naselju Donja Karaula, odnosno na dionici puta Donja Karaula-Malešićki most. Nadležnu službu molim da odobre rad mašina kako bi se ova deponija uredila i prekrila humusom, a od nadležnog javnog preduzeća zahtjevam 2(dva) znaka zabrane odlaganja smeća. Problem divljih deponija na ovom potezu je jako važan i ugrožava stanovnike ovog naselja ako i sve šetače i rekreativce koji se ovim putem kreću i uživaju u prirodi. Divlje deponije ugrožavaju pejzaž, stvaraju neprijatan miris i privlače pse lutalice, koji su konstantna opasnost građanima.

Odgovor: Planom upravljanja otpadom općine Ilijaš donesen 2014.godine, evidentirane su 24 divlje deponije, među kojima je i deponija kod Malešićkog mosta, D Karaula. Usvojen je budžet općine Ilijaš kojim nisu planirana sredstva za uklanjanje predmetne deponije.

Inicijativa 2:"Pokrećem inicijativu za rekonstrukciju, zamjenu ili popravak kontejnera za smeće na prostoru općine Ilijaš. Obrazloženje: U više navrata su mi se obratili građani i grupe građana sa pritužbama na ne redovan odvoz smeća, te na neadekvatne kontejnere. Većina kontejnera su bez poklopaca, te se na taj način omogućava psima lualicama da raznose smeće, te time ugrožavaju higijenske uslove stanovnika općine Ilijaš. Također, tražim od preduzeća koje vrši odvoz smeća da mi dostavi operativni plan rada preduzeća, te plan nabavke novih i rekonstrukcije starih kontejnera, za 2016. i 2017. godinu".

Odgovor: Inicijativa je dostavljena KJKP "Rad" Sarajevo RJ"Ilijaš" iz Ilijaša i nakon što o istoj dobijemo mišljenje upoznat ćemo Vas o tome.

MEHMED SINANOVIĆ – vijećnik SDA

Pitanje:"Zašto brzi vozovi ne staju na željezničkoj stanici u Podlugovima? Inicijativu uputiti nadležnima".

Odgovor:Inicijativa je dostavljena JP"Željeznice FBiH"d.o.o.Sarajevo.

ADEM ALIĆ – vijećnik SDA

Inicijativa:"Pokrećem inicijativu da Općinski Načelnik putem nadležne Službe i nadležnog Ministarstva Kantona Sarajevo, preciznije i detaljnije uredi oblast odvoženja smeća, kabastog materijala, plaćanja računa istog, zamjene i popravke hajfiša/kontejnera, ispiranja istih, približavanja usluga građanima, nabavke i drugih i drugačijih posuda kao i uspostave obligacionih odnosa između davaoca i primaoca usluga na cijelom prostoru općine Ilijaš".

Odgovor:Prema odredbi člana 7. tačke f) i g) Zakona o komunalnim djelatnostima ("Službene novine Kantona Sarajevo", broj:14/16) prikupljanje i odvoz komunalnog otpada iz stambenih i poslovnih zgrada i poslovnih prostorija na deponiju i odlaganje komunalnog otpada na glavnu sanitarnu deponiju su komunalne djelatnosti koje obezbjeđuje Kanton Sarajevo. Za te poslove Kanton je osnovao KJKP "Rad" sa sjedištem u Sarajevu. Naprijed pomenuti Zakon o komunalnim djelatnostima nije u skladu sa Zakonom o lokalnoj samoupravi-Prečišćeni tekst ("Službene novine Kantona Sarajevo," broj:22/00) kojim je u članu 9. stav 1. tačka 5. utvrđeno da Općina u okviru svoga samoupravnog djelokruga, u skladu sa zakonom kojim se uređuje pojedina oblast obavlja komunalne i druge uslužne djelatnosti, te lokalne infrastrukture.

Pored toga odredbom člana 8. stav 3. tačka 11. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj: 49/06) utvrđeno je da u nadležnost jedinice lokalne samouprave spada upravljanje, finansiranje i unapređenje djelatnosti i objekata lokalne komunalne infrastrukture i održavanje javne čistoće.

Zakonska obaveza je da davalac i korisnik komunalnih usluga u Kantonu Sarajevo imaju zaključen ugovor. Kada će davalac komunalnih usluga korisniku ponuditi zaključivanje ugovora o pružanju tih usluga ne možemo licitirati.

KJKP"Rad"Sarajevo izvještaje o svom radu na razmatranje i usvajanje dostavlja Skupštini Kantona Sarajevo, a ne opštinama tog Kantona.

ANEL BUMBULOVIĆ – vijećnik SDA

Inicijativa:"Pokrećem inicijativu prema Kantonalnoj Direkciji za ceste da se izvrši zamjena - podešavanje saobraćajnog ogledala na raskrsnici ulice Moševačka i ul.Žrtava genocida u Srebrenici. Obrazloženje: Iako je 2016. godine izvršena potpuna rekonstrukcija i proširenje

navedene raskrsnice i stvoreni su bolji uvjeti za odvijanje saobraćaja, i dalje problem vozačima i opasnost u saobraćaju predstavlja nepreglednost iz pravca Ilijaša. Na pomenutoj lokaciji već se nalazi postavljeno saobraćajno ogledalo koje je već duži vremenski period polomljeno i neadekvatno postavljeno.

Odgovor: Inicijativa je dostavljena Direkciji za puteve Kantona Sarajevo.

ALAN ŠERAK – vijećnik SDP-a

Pitanje: "Upućujem pitanje nadležnoj službi i tražim odgovor na inicijativu građana Malešića i šire, naime radi se o rekonstrukciji regionalne ceste Ilijaš-Sarajevo u mjestu Malešići. Tokom početka devetog mjeseca (septembar 2016. godine) došlo je do rekonstrukcije puta u navedenom naselju od strane Direkcije za ceste Kantona Sarajevo, gdje je izvođač firma "Sarajevo-putevi" Sarajevo. Tom prilikom radovi su se odvijali vrlo sporo i ušlo se u mjesec decembar i tom prilikom radovi su prekinuti ili možda i završeni, ali sada su ostali problemi. Tokom rekonstrukcije ceste na odvodnji podvožnjaka, autobuskim stajalištima, veritkalnoj i horizontalnoj signalizaciji, i pored toga da će saobraćajnica biti završena u toku četrdeset i pet dana koja je bila na web stranici Kantona Sarajevo i Info Ilijaš.

Obrazloženje: Veći broj građana me molilo da ovaj problem uputim na Općinskom vijeću i evo sad to činim, a radi se da je pomenuta firma i Direkcija za ceste Kantona Sarajevo ovu dionicu nazvala modernom saobraćajnicom koja se rekonstruiše od prilike nakon 30 godina i sada je izvršena sanacija gdje je napravljena nedopustiva greška kod autobuskih stajališta. Autobusi koji se saobraćaju Ilijaš-Sarajevo nemaju prostor za ulaz na autobusko stajalište ili bolje rečeno nemaju stajalište, te se zaustavljaju na pola kolovozne trake i tom prilikom dovode do ometanja saobraćaja i sigurnost svih putnih putnika i pješaka na ovom prostoru. Tražeći odgovor na ovo pitanje se može zaključiti da iz Odluke i zakona o autobuskim stajalištima FBiH koji stoji da minimum mora biti stajalište 30 m ili tamo gdje dozvoljava 50 m sa svim elementima kao što je red vožnje, klupa za putnike, nadstrešnice itd. Ovom prilikom tražim da se Općinsko vijeće upozna i da zauzme stav o ovakvom načinu na čitavom prostoru kada je u pitanju regionalna cesta i lokalni putevi gdje ima potrebe. Signalizacija nije postavljena na ovom prostoru i ako ima potrebe zbog toga što je ovo naselje urbano gdje ima područna škola i djeca koja koriste ovaj put ili autobuski prevoz i sama signalizacija bi olakšala samu bezbjednost i zaštitila naše sve građane. Podvožnjaci su ostali u nižoj tački od regionalne ceste i oni su sada opasnost za djecu koja prolaze za školu i same građane, samim tim nakon svake kiše u podvožnjaku ostane količina vode koja zna rasti do 50 cm i više.

Nakon ovih navoda kontaktirao sam predsjednika savjeta MZ Malešići Mirsada Hamzića i pitao za ove probleme gdje me upoznao da je i on u nekoliko navrata uputio dopise sa ovakvim navodima i zatražio da se upoznaju svi nadležni od Ministarstva saobraćaja Kantona Sarajevo do inspekcije za ovu oblast, kao i sam investitor koji je nadzirao ovaj projekat i sada je na potezu da se i općina uključi za ovakvim problemom, u protivnom mi nećemo odustati da ovakvim se načinom izvrši rekonstrukcija na uštrb same općine Ilijaš gdje neko ne želi da pokaže kako u Ilijašu nema i ne treba projekti koji su bolji od prethodnih, samim tim mi smo imali bolje stajalište i sigurnije nego što sada imamo i onda se postavlja pitanje o kakvoj se saobraćajnici radi koja nosi naziv Modernizacija novih saobraćajnica.

Odgovor: Isto pitanje je postavljano na sjednici OV Ilijaš i Vama su dostavljeni odgovori na sjednici OV Ilijaš održanoj dana 31.01.2017 godine, Općinski Načelnik je dao odgovor na istoj sjednici, a u prilogu Vam dostavljamo odgovor Direkcije za ceste Kantona Sarajevo, na zahtjev MZ Malešići na isto pitanje.

Pitanje: "Drugo pitanje koje želim da postavim i ne mogu da vjerujem da niko od prisutnih vijećnika nije izrazio nezadovoljstvo zimskim održavanjem puteva na području općine Ilijaš. Ne znam da li nama odgovara da postojeća firma koja održava naše lokalne puteve radi na način kako radi, ali mislim da je krajnje vrijeme da redefinišemo naš odnos sa tom firmom, da vidimo šta su to ugovorne obaveze njihove naspram nas i koliko sredstava povlače za zimsko održavanje puteva. Imajući u vidu putne pravce na kojima se ni dan danas, neovisno o prioritetima gdje se oni nalaze, ne mogu vozila da saobraćaju bez zimske opreme. Govorim o Novom Naselju i naselju Karašnica.

Postavljam pitanje uvaženom Načelniku da li je izmirio sve obaveze po pitanju prispjelih faktura od strane te firme, ako nije, odnosno volio bih da dobijem odgovor? Također, volio bih da vidim jeste li ikada odbili da izvršite isplatu fakture po osnovu ugovora ili umanjili istu?

S druge strane, kada su u pitanju ceste koje se održavaju, a radi se o cestama koje po kategorizaciji pripadaju Direkciji za ceste Kantona Sarajevo. Kružni tok ul. Bogumilska nikada nije očišćen. Rečeno mi je da je to nadležnost Direkcije za ceste Kantona Sarajevo. Trotoari u Ilijašu nikada nisu očišćeni, a onda dobijem jednu poražavajuću informaciju da Direkcija za ceste Kantona Sarajevo nije ni predvidjela da se čiste trotoari u Ilijašu. Ukoliko je to istina, onda je to poraz administracije općine Ilijaš na čelu sa gospodinom Akifom Fazlićem. Te stvari se kod nas ne mogu i ne smiju dešavati. Kada se u općini Centar ne budu čistili trotoari, onda neka se ne čiste i u Ilijašu. Sve dok to rade u svim općinama, treba da rade i kod nas. Od vas svakako očekujem da reagujete i tu stvar ispravite.

S druge strane, polako me počinju nervirati nadležnosti, ne nadležnosti i sve ostalo što treba kada kažemo to nije u našoj nadležnosti, nego je u kantonalnoj nadležnosti i mi s tim stvarima nemamo ništa. Imamo itekako, jer se te stvari dešavaju u našoj "avliji". I neko mora ispred općine biti zadužen da reaguje. Možda nije najbolje izdavati prekršajna rješenja ili neke druge stvari, ali može se uzati telefon i kontaktirati nadležne. Najlakše je reći mi nemamo nadležnosti, a počelo je drugo školsko polugodište i djeca nam u škole idu po trotoarima koji nisu očišćeni i svi šutimo o tome. Niko neće da se bavi pravom problematikom, a lokalna zajednica je itekako dužna da te stvari rješavaju.

Odgovor: Odgovor dat od strane Općinskog Načelnika na sjednici.

Na četvrtoj sjednici Općinskog vijeća Ilijaš održanog dana 29. 12. 2016. godine Damir Filipović vijećnik SDP-a postavio je slijedeće pitanje: "Zašto općina Ilijaš nije obezbjedila praznične ukrase, te dekorisala grad? Obrazloženje: Obzirom da se veliki broj građana, pa i javno putem društvenih mreža interesuje za navedeno pitanje, te smatram da je istima neophodno dati odgovor".


Odgovor: JKP "Vodostan" d.o.o. Ilijaš kome je Općina Ilijaš Odlukom o dekorisanju ("Službene novine Kantona Sarajevo", broj: 24/16) povjerila poslove dekorisanja na području Općine dostavilo je odgovor na ovo pitanje, te vam isti dostavljamo u prilogu.

Služba za prostorno uređenje
i stambeno komunalne poslove



Broj: 04-27-1664/HLJ
Sarajevo, 27.01.2017. godine

KANTON SARAJEVO
OPĆINA ILIJAŠ
OPĆINSKI NAČELNIK
Služba za protorno uređenje i
stambeno-komunalne poslove



Predmet: Primjedbe na izvedene radove rekonstrukcije regionalnog puta R-445 ("mještani naselja Malešići")

Ministarstvo saobraćaja – Direkcija za puteve KS je zaprimila Vaš dopis br.05/2-23-sl/17 od 16.01.2017. kojim ste nam ponovo uputili zahtjev MZ Malešići vezano za izvedene radove na rekonstrukciji regionalnog pravca R-445 kroz naselje Malešići u Općini Ilijaš. S tim u vezi ponovo Vas obavještavamo da su radovi izvedeni u skladu sa tehničkim propisima i projektnom dokumentacijom. Autobuska stajališta su izvedena prema minimalnim tehničkim uslovima za izgradnju autobuskih stajališta iz razloga ograničenosti prostora i privatnih parcela. Za autobusko stajalište iz smjera Vogošća-Ilijaš početkom građevinske sezone biće postavljeni ivičnjaci kako bi se ograničilo autobuso stajalište i kako se ne bi ugrozila bezbjednost putnika. Što se tiče plavljenja prolaza ispod auto-puta prethodnos smo Vas upoznali da radovi na rekonstrukciji puta R-445 nisu uticali na problem plavljenja prolaza ispod auto-puta i pristupnih saobraćajnica na R-445, te da isti nisu u nadležnosti Direkcije za puteve KS.

S poštovanjem,



DIREKTOR

Nermin Dinda, dipl.ing.građ.

Dostaviti:

☒ Naslovu
– a/a



web: <http://dp.ks.gov.ba>
e-mail: dp@dp.ks.gov.ba
Tel: + 387 (0) 33 560-402, Fax: + 387 (0) 33 560-426
Sarajevo, Hamida Dizdara br. 1





Jkp Vodostan d.o.o. Ilijaš

126 Brigade 60, 71380 Ilijaš, Tel/Fax : 400-740, Tel : 400-024

email: jkp.vodostan@gmail.com; Br.Rješ.: 065-0-Reg-14-003778

ID: 4200171710000 ; PDV ID: 200171710000

Broj: 103 /17

Ilijaš, 20.01.2017 godine


BOSNA I HERCEGOVINA

FEDERACIJA BOSNE I HERCEGOVINE

KANTON SARAJEVO

OPĆINA ILIJAŠ

Služba za prostorno uređenje i stambeno-komunalne poslove



PREDMET: Odgovor na vijećničko pitanje vijećnika SDP-a Damira Fillipovića

Članom 4. Odluke o dekorisanju (Službene novine Kantona Sarajevo br.24/16) dekoracija javnih površina i prostora povjerava se Javnom komunalnom preduzeću "Vodostan"d.o.o Ilijaš (u daljem tekstu Davaoc komunalne usluge) .

Član 13. Zakona o komunalnim djelatnostima(Službene novine Kantona Sarajevo 14/16) propisano je :

Davaoci komunalnih usluga moraju ispunjavati slijedeće uslove:

- da su registrovani za obavljanje djelatnosti;
- da posjeduju odgovarajuću opremu i sredstva rada za obavljanje djelatnosti komunalnih djelatnosti ;
- da raspolazu odgovarajućim stručnim kadrovima koji mogu obezbijediti stalno i kvalitetno obavljanje komunalne djelatnosti;
- da obezbijede vršenje komunalnih djelatnosti u odredbama ovog zakona i drugih propisa ;
- da cijene komunalnih usluga obrazuju prema važećim propisima;
- da utvrde normative rada i utroška materijalnih sredstava i omoguće kontrolu istih od strane nadležnih organa;
- da uspostave tarifni sistem koji će biti osnova za naplatu usluga;
- da kontinuirano rade na podizanju nivoa komunalnih usluga i unaprijeđenju komunalnih djelatnosti;

JKP"Vodostan"d.o.o Ilijaš nije do sada obavljalo djelatnost dekoracije te ista nije upisana u osnivačkom aktu kao ni u Registru kod nadležnog suda. Nakon donošenja Odluke o dekorisanju br.01/1-02-1366-7/16 od 31.maja 2016 godine Općinskog vijeća Ilijaš, Preduzeće je pokrenulo zakonske procedure registracije i upisa. Nakon donošenja odluke o izmjeni podataka od značaja za pravni promet i o izmjeni osnivačkog akta, koja je trenutno u fazi notarske obrade, te po okončanju procedure upisa u registar suda potrebno je obezbijediti odgovarajuću opremu i sredstava za rad te ispuniti i druge uslove iz člana 13. Zakona o komunalnim djelatnostima za zakonito i kvalitetno obavljanje povjerene djelatnosti.

S poštovanjem !

Dostavljeno:

1 x Naslovu

1 x a/a

